

NARCISVS.

SIVE

AVRUM

3131

AMORIS

IVVENILIS ET PRÆ-

CIPVE PHILAVTIÆ BREVIS

ATQVE MORALIS

DESCRIPTIO

837.1.11
F



JOH. MAESTRUS

LONDINI.

Excudebat Thomas Scarlet. 1591.



JOHN HARRIS

TO THE BRITISH MUSEUM

CLARISSIMO
ET NOBILISSIMO
DOMINO HENRICO COMITI
SOUTHAMTONIÆ:


*Johannes Clapham virtutis, atque honoris
incrementum, multosque annos felices
exoptat.*



Onnihil vereor (illustrissi-
me Domine) ne multis e-
go cum *Narcisso* meo, cu-
ius in his verbis errores
descripsi, ipse etiam vide-
ar umbram affectare pro-
prium, & cum eodem
prorsus insanire. Quid e-
nim stultius, aut ineptius, quam cum tutò latere
liceat, aliorum se iudicio temerè exponere, eaq;
in publicum proferre, quæ nihil aliud præ se fe-
runt, quam ingenij tantum levis, atq; otiosi indi-
cium? Cæterum qualiscunq; erit aliena de me o-
pinio,

EPISTOLA.

pinio, haud malè mecum agetur, spero, si tene-
ram hanc prolem, quasi iam postliminiò natam,
(licet multis forsan abortiua videri possit) hono-
ris tui patrocinio dignam existimaueris. Placeat
ergo (Honoratissime) quantulumcunque hoc po-
ëma sub nominis tui auspicio non infelicitè in
lucem proditurum, vt certum animi erga te mul-
tum officiosi, honorique tuo maximè deuoti tē-
stimonium excipere. Quod, cum perlegeris, si
gratum tibi esse intellexero, sat equidem habeo,
sin aliter præter optatum euenerit, humiliter ob-
secro, parcas erroribus meis, & vmbra
tantum (quæ nihil est) te vi-
disse arbitrare.



NARCISSVS.

V Er erat, & roseis surgens Aurora quadrigis
Liquerat Oceanum, cum Sol cœpisset ab ortu
Præcipiti cursu noctes æquare diebus,

Tum iam nuda diu folijs, & floribus arbor,

Et fecunda nouo tellus velatur amictu.

Tum frondere nemus, lenti turgescere vites

Incipiunt, montesq; & leta virescere prata.

Undiq; per syluas volucrum concentus in auras

Labitur, & varijs resonant clamoribus arua.

Tum stabulis audent pecudes exire, solentque

Ludere pastores calamis, dum valle relicta

Excelsis teneri saltant in montibus agni.

Est in secessu longè pulcherrima, diues,

Maximæque illarum gelidis quas alluit undis

Oceanus, varijs terræ ditissima donis

Insula, (qua graditur Phœbus, cum vespere sero

Tendit ad Occasum) quæ Fortunata vocatur.

Quippè sub imperio Reginae virginis aucta

Floret, & æterna fruitur secura quiete.

Narcissus.

Hic ortus Narcissus erat pulcherrimus (at qui
Natus abortiuus) iuuenis, quem luminis orba
Prosperitas genuit, peperitque Superbia vana,
Et tepido Erroris nutriuit Opinio lacte.
Grandis in hac terra sylua est, vbi fertur Amoris,
Aula Dei cæci, multis benè nota teneri.
Florida (ni fallor) dicta est, latissima sylua,
Splendida, densa, virens, altis circumdata muris,
Nam semel ingressi vix inde reuertere possunt.
Regia porta, micans auro, speciosa columnis
Noctes, atque dies patet ingredientibus, at qui
Non licet ingressis sine dextra numinis, idque
Per rigidos mentes, perque ardua saxa redire.
Præteriens portam facilis tibi trames, vtrinque
Consitus arboribus patulis æqui ordinis; Illic
Mollia lasciua posuere cubilia Musæ.
Hinc, atq; hinc nemus est, & inextricabilis error.
Vlterius gradiens angusta palatia cernes
In quibus historia vetres pinguntur eorum,
Quos olim pharetratus Amor superauerat; Illic
Herculis effigies telas, & fila tenentis,
Quem positis armis, in uero velamine cinctum
Undique formosæ circumfedere puellæ.
Quin et) Abydeni tristis fortuna Leandri
Pingitur, ut tumidas nimis audax pernatat undas
Ipse

Narcissus.

Ipse ratis, remi, teneræ quoq; vela carinae,
Cuius ut aduentum modo sperat amabilis Ero,
Perfida nocturno male conscia flamma labori
Prodit, & (infandum) miseros extinguit amâtes;
Illic magnanimus Troianæ gloria gentis
Hector, & infelix Paris, & furiosus Achilles.
O ibi quæ strages populorum, & funera regum,
Magnorumq; ducum, quos omnes vna perire
Femina, purpureasq; animas effundere fecit.
Illic Scipiada victores, impiger illic
Hannibal, & magnus Caesar, duo flumina belli,
Atq; alij multi, quos sub iuga dura redegit
Sæuus Amor captos, & de quibus ille triumphat.
Huc properant iuuenes, lætissima turba, laboris
Impatiens, audax, penitus secunda malorum.
Huc simul agglomerant, ut candida tecta columbe
Utq; petunt densi de mortua corpora corui,
Siue ut apes æstate solent per rura volare,
Cum prima repetunt fætæ præsepia nocte.
Huc inter alios in sueto ardore calescens,
Candida cui comites Libertas, atq; iuuentus
Iam celeri gressu noster Narcissus adibat.
Cum venit ad syluam, quæ lata Cupidinis aula est,
Lurida Pigrities, cui cura, ut limina seruet,
Præ foribus iuuenem recipit, comiterque salutat,
Corpore

Narcissus.

Corpore crassa, rubens oculis, incompta capillis
Per latos humeros pendentibus, atque supremo
Pectore nuda, nihil præstat, sed tota iocatur,
Ludit, edit, dormit, Venerique est fida ministra.
Illa sui iuuenis blandis amplexibus hærens
Exultat, manibusque tenens comitatur euntem,
Et simul ad cæci penetralia ducit Amoris.
Primus ibi Visus gradus est, Sermoque secundus.
Tertius est Tactus; supra sedet ipse Cupido,
Cuius dextra tenet calamos, arcumque sinistra,
Vestis ei nubes variae, flammæque cathedra,
Ex vtraque manu Dolor, & male suada Voluptas,
A tergo lacerata comis sedet atra Ruina,
Effrontisq; Pudor simul, & deformis Egestas
Luget, & æternum stultos lugebit amores.
Dum miser huc illuc iuuenis circumspicit, arcum
Acer tendit Amor, calamumque immittit acutum,
Qui modo per venas, perque ilia feruida transit;
Protinus & magna clamatur voce per aulam,
Noster eris, captum da te sub numine nostro.
Ille tener calami violento saucius ictu
Pectore vulnus alit, (mirum) nil sanguinis illic
Apparet; siquidem grauiora pericula dicunt,
Cum tacita internis celantur vulnera venis.
Accedens propius, tuus, ô tuus inquit, Amoris

Seruus

Narcissus.

Seruus ero, & flexis genibus se subiicit illi,
Ceu rapidis ventis tenuissima cedit arundo.
Surgit Amor, iuuenem soliꝑ; affatur ab alto.
Mitte omnem Narcisse metum, recteꝑ; notato,
Que tibi dicturus, memoriꝑ; in mente repone.
Sint tibi Delicia, putrices, Otia, cure,
Blanditiæ cibus, & solatia maxima, Nugæ,
Spes ꝑ; Timorꝑ; tui comites, & amica Voluptas,
Temporis amissi, sumptus, magniꝑ; laboris
Pæniteat nunquã (parcos Amor odit, vt angues)
Si tibi Virgo placet, quamuis pice nigrior, illam
Formosam, mollem, nitidamque vocare memento.
Si deformis erit, faciem laudare venustam,
Prespicuã frontem, roseasꝑ; genas, & lumina clara,
Lumine quæ dices Lunæ præstare bicorni,
Et vultum Solis radios, Solemque referre,
Cum pleno aspectu toto nitet aureus orbe,
Candida colla, manus longas, flauosque capillos,
Erectosque humeros laudabis, & improba blandis
Suppleat ars verbis quicquid natura negauit.
Denique dic puro Venerem superare nitore,
Ingenio Musas ipsas, Charitèsque decore.
Crede in amore tuo multum mendacia prosint
Et conficta dolo, benè quæ simulata, probantur.
Præcipuè (vt fertur) laudari fœmina gaudet

Narcissus.

Qualiscunque, licet falsa, & ludibria narres,
Vera putat; siquidem levis est, & credula semper,
Garrula voce, sibi contraria, vana, superba,
Lubrica, crudelis, mutabilis, atque morosa.
Qui sequitur fugiet, fugientemque ipsa sequetur,
Quidque velit, nescit, quod tu vis improba nolet,
Vult, nō vult, & nunc, quod nuper amauerat, odit.
Tam vaga scemineo cerebro est innata voluntas;
Sis quoque facundus sermone, & sit tibi mollis
Vestitus, varius forma, atque colore, memento
Mores sectari, cantare, salire, iocari,
Ludere nunc fidibus, nunc tristes scribere versus,
In quibus (ut mos est) fortunam, & fata dolebis,
Nunc dare vota, fidem verbis, iurare per astra,
Perque Deos, multum promittere, fingere. Nullam
Quippe fidem regni, nullamque Cupidinis olim
Dixerunt veteres, verēque hęc comprobant aetas.
Muneribus tentes, quia multum munera possunt.
Quod castrum, aut murus quis inexpugnabilis au-
Qualiscunq; alijs, tibi semper amabilis esto (ro est?
Sisque tibi gratus, quoniam tu dignus amore,
Dignus amore tui, quem forma, & mollior aetas,
Ingenium, vires, virtus, & cetera reddunt
Fœlicem, similem tibi tempora nulla tulerunt.
Sic tua te nimium lætabit opinio, donec

Umbra

Narcissus.

Umbra captus eris, cæcusque peribis in illa.
Talia fatas Amor, diuellit ab arbore ramum,
Qui gelida maduit lethæi fluminis unda,
Et teneri frontem, formosâque tempora spargens,
Te posthac, inquit, Narcisse haud noueris ipse.
Hinc facie iuuenis mutari, aut mente uidetur.
Mox ascendit equum, qui cæca Libido vocatur,
(Quippe ferox nunquã morsu, neq; fræna ferebat)
Protinus ut dorso seßorem sentit inermem,
Cursitat huc illuc, iuuenis per devia fertur,
Per loca plena rubis, spinosa, incognita, dura,
Per iuga, per ualles, puteos, latebrâsq; ferarum,
Per vada, per fluuios, per mille pericula donec
Decidat in terram pronus propè flumen amœnum,
(Per ripas dum currit equus) cui præpite cursu
Fons ruit ex alto scopulo, atq; Philantia vulgò
Dicitur, hac postquam sitis illi extinguitur unda,
(Nam valde incaluit iuuenis, sudansq; sitiuit)
Continuò cerebrum sopor opprimit, atq; per annẽ
Decumbit lassus viridi benè cespite fultus,
Securusq; leni Zephyro spirante quiescit.
Iamque ferè medium rapido Sol lumine cœlum
Attigerat, cum vix somno experrectus in auras
Oscitat, & retrò iuuenis circumspicit, ut qui
Vix loca, vix sese noscit (mirabile) tandem

Narcissus.

Surgit, & ad ripas erecto corpore dum stat,
Umbram flammigeri Solis splendore nitentem
(Quæ formam liquidis quasi vinâ reddit in undis)
Aspicit, aspectuque suo stupet inscius, atque
Iam dubio, cuius facies sit, pectore voluit.
Accedens propius fluuiio sua lumina figit,
Atque gemens alta dum clamat voce per auras
Garrula ab aduersis respondet montibus Echo.

O forma, & facies verè pulcherima	rima
Quæ colis hunc fluuium, quæ nutrit fons sacer acer	
Quisquis es, haud nosco, sed si fas querere	rere
Dic precor, & tua laus de me cantabitur	itur
Quis nouus hic ardor turbati pectoris	oris
Qui flammæ solito maiores parturit	urit
Nil mihi respondes? frustra clamatur	amatur
Si placet, exito, simul hic sedeamus	eamus
At quocumque ieris, te nolo relinquere	quare
Clara dies sine te mihi nox, & terror	& error
Rosque leuis sine te mihi cana pruina	ruina
Astiuusq; calor sine te nix aspera	spera
Quid sine te sperem? num vox clamoris	amoris
Per sylvas resonans tandem cognoscitur?	itur
Spes in amore meo sine te iactæ obruta	ruta
Solame n sine te dolor est, & amaror	amaror

Et

Narcissus.

Et nequeo sine te, sine vita viuere	uerè
Non adeò rudis est facies, & agrestis	agrestis
Ut tibi spernendus videar, vel ineptus	ineptus
Qui fruar optato. Mea fama perennis	Erynnis
Fama mei miseri, qui iam periturus	iturnus
Te Narcissus amat; non vox ea perfodit	odit
Multa me Nymphae petierunt vndique	dyque
Quis sonus irridet gemitum clamantis?	amantis
Heu pereo, tempus sine fructu labitur	itur
Quique sua multos facie pelle xerat	errat
Hunc facies aliena, ignota que pellicit	icit
Pellicit (infandum) cogitque perire	perire
O miserere mei mea fata dolentis	olentis
Et miseram sine te vitam degentis	egentis
Nil mouet, vt video, totus sine spe queror	error.

Talia clamantem ridet resonabilis Echo,
 Dum stupet ipse sibi, propiòque exardet amore.
 Sæpe petit fluuium, velut oscula blanda daturus,
 Cumq; petit petitur, sed quod petit inscius, vmbra
 Non putat esse suam, nec quid sit nescit ineptus.
 Sæpe manus offert, & signa remittit imago,
 Quæ motum adstantis liquidis imitatur in vndis.
 Sic dum turbat aquas, facies obscura videtur,
 Et videt, & queritur, sed quod vult possidet ipse,

Narcissus.

Atque frui nescit, tantus tenet error amantem.
Nunc solito Phœbus cursu peragrauerat orbem,
Moxq; venire parat, tenues quæ dissipat umbras.
Tum iam visa diu liquidas vanescit in auras
Umbra, nec apparet iuueni, qui querit ubique.
Pallida nunc facies, modò quæ formosa, dolore
Viscera sicca, manûsq; tremunt, speciosaq; pendent
Brachia, paulatim frigescit sanguis, & expes
Extrema fundit miseræ has voce querelas.
Ergon' abire voles? miserumq; relinquere amante
Quò fugis? ah nimium crudelis, siste parumper,
Et videam saltem, si tangere non licet, ora.
At frustra exclamo, quoniam reuocabilis ille est.
O vos syluicola Satyri, Fauniq; bicornes,
Naiades, & sacra Dryades mea tristia fata
Plangite, nam vester queritur Narcissus, & æger
Quod modò vidit amans, sine spe nunc luget ademptum,
Quodq; oculis placuit, nunc pectus perfodit ipsum,
Sic vidi, & pereò, sic vult fortuna, vel error.
Hæc ubi dicta dedit tendens ad sydera palmas,
Terq; gemens dicit pereò, formosè valeto,
Dure nimis, repetens iterum, formosè valeto,
Deficiunt vires, & vox, & spiritus ipse
Deficit, & pronus de ripa decidit, & sic
Ipse suæ perijt deceptus imaginis umbra.

Protinus

Narcissus.

Protinus hac miseri casus vulgata per orbem
Fama volat (nec enim quicquam velocius illa est)
Cum iuuenis mortem Venus indignata serena
Despicit è cælo, coetuque adstante deorum
Has querulas profert lachymanti voce loquelas.
Nonne mei miseret Narcissi, cuius amores
(Proh dolor) infandi scopulos, & littora, ripas,
Sylvarum abstrusas latebras, clausasq; cauernas,
Aerios montes, valles, loca deuia, lucos,
Oceanum penetrant, & cælos, tecta deorum,
Atq; Stygis tandem penetrabunt fluminis vndas?
Non prorsus morietur (ait) sed viuet in herba.
Flos erit, atque suo sumet de nomine nomen,
Cuius erit croceus maculis color intimus, atque
Per medium folijs cingetur mollior albis.
Sic Narcissus erit specie formosus, ut olim,
Flosq; Iuuentutis (siquidem placet) inde vocetur.
Annuit his verbis superum celeberrima turba,
Et subito (ut fertur) corpus iuuenile vigentem
Vertitur in florem, retinens sua nomina semper,
Flosque Iuuentuti sacer est, bene notus in aruis.
Ultima fors hæc est nimium infælicis amantis.

FINIS.